



Senin, 06 Januari 2025
Ogen: Matius 2:13-15



Ngongsi ku Mesir



Raja Herodes nggejapken sada ancaman erkiteken berita ketubuhan "Raja kalak Jahudi" si ipeseh guru-guru Timur. Herodes si itandai selaku pemimpin si paranoid ras kejam, rusur munuhi termasuk anggota keluarganya guna mpertahankan kekuasaanna. Kenca gagal meteh lokasi Jesus arah guru Timur, Herodes merentahkan pembunuhan kerina anak dilaki umur dua tahun ku teruh i Bertlehem ras sekelewetna. Mesir, secara historis megati jadi ingan pengongsin man kalak-kalak Israel si kiam arah ancaman, bagi Jakup ras keluarga i bas jaman Jusup (Kej.46) ntahe Nabi Jeremia (Jer.43:5-7).

Perdalanen Jesus mengongsi ku Mesir melambangken perdalanen bangsa Israel si pernah ringan i Mesir selaku pengongsi. Alu bage, Jesus mengidentifikasi diri kerna kiniseran bangsaNa termasuk si ngalaken ancaman, penganiayaan ntahe pe keterasingen. Ngongsi ku Mesir ras mulih ku Israel nggenepi nubuat nabi Hosea," Nggo kudilo AnakKu i Tanah Mesir nari" (Hos.11:1). Mesir i bas Padan si ndekah ikawitken ras ingan perbudaken, tapi i bas kasus e, Mesir jadi ingan perlindungan. Hal enda nuduhken maka keselamatan arah Kristus melampaui batas etnis ras geografis, mencakup kerina bangsa. Pengongsin Jesus menekankan solidaritas Kristus nandangi kalak si ngenanami kiniseran, terasingken ras kebenen ingan tading. Peristiwa pengongsin enda jadi sada pengingat maka dalam keselamatan megati melibatkan kiniseran. Mulai danak-danak nari pe, Jesus nggo ngaloken nacamen si kedungenna mabai IA ku kayu persilang guna nebus dosa manusia. Pengongsin Jesus ngajarken empati ras jadi inspirasi pengharapen maka Tuhan hadir nandangi kerina kalak si lit i bas situasi si mberat.